

# **Pet godina nakon Dayton Visoki predstavnik apelira na BiH da krene ukorak s promjenama**

Na danasnji dan prije pet godina, nakon sedmica pregovaranja u zračnoj bazi Wright-Peterson u Daytonu, Ohio, parafiran je Opci okvirni sporazum za mir. I pored svih kompromisa koje je Daytonski mirovni sporazum donio, i koje i dalje donosi, sporazum je spasio mnoge živote i državu Bosnu i Hercegovinu. On ostaje plan za trajni mir i za bolju budućnost BiH.

Mir nije bio jednostavan. Daytonski mirovni sporazum je bio predmet kritičnih razgovora vođenih na sastanku posvećenom godišnjici potpisivanja Daytonskog sporazuma koji je prošle sedmice održan u Daytonu, Ohio, a na kojem su prisustvovali Visoki predstavnik, Wolfgang Petritsch, hrvatski predsjednik Stipe Mesic, ambasador SAD-a pri UN-u, Richard Holbrooke, glavni tužitelj UN-ovog Suda za ratne zločine u Hagu, Carla Del Ponte, kao i drugi visoki međunarodni i BiH dužnosnici. U razgovorima je preovladavala opća saglasnost da su Daytonski mirovni sporazum i Ustav, koji je dio Sporazuma, čvrsta osnova za funkcioniranje BiH institucija i garancija prava svih nacionalnih zajednica u zemlji. On je također i čvrst oslonac protiv nekih poziva za prekrajanje granica u regiji i ostaje sidro međunarodnog angazmana u BiH.

Bosna i Hercegovina se sada, pet godina nakon Dayton i nakon općih mirnih izbora održanih početkom ovog mjeseca, nalazi na značajnoj raskrsnici. Visoki predstavnik apelira ne samo na političke vodje, već i na sve građane BiH da krenu ukorak s promjenama i zemlju povedu putem ka prosperitetnoj budućnosti u Evropi.

Kontinuirano vraćanje u prošlost, ignoriranje promjena u Hrvatskoj u Jugoslaviji koje se sada takmiče za međunarodnu pomoć koja je sve manja, će ovu zemlju dovesti u situaciju u kojoj će ona biti osiromašena i zaboravljena. Visoki predstavnik od vođa Bosne i Hercegovine očekuje dinamičan start na Samitu koji se održava u Zagrebu, u petak, 24. novembra.

Daytonski sporazum će i dalje garantirati sigurnost i pravdu koju zahtijevaju svi građani BiH. Ali na svakom je građaninu BiH da osigura:

- radikalnu ekonomsku reformu
- povratak izbjeglica i provedbu imovinskih zakona
- jake institucije, posebno one na nivou države koje udovoljavaju potrebama građana BiH

Rat je završen. A sada, radimo na izgradnji mira.